

## А Ж Р И М

(Ярашганлик муносабати билан жиноят ишини тугатиш тўғрисида)

2026 йил март ойининг 17 куни, жиноят ишлари бўйича Уйчи туман судининг очик сайёр суд мажлиси, Уйчи тумани “Мевазор” МФЙ биносиди бўлиб, туман судининг раиси [REDACTED] нинг раислигида, судья ёрдамчиси [REDACTED] нинг котиблигида, тарафлардан давлат айбловчиси Уйчи туман прокурорининг ёрдамчиси [REDACTED], гумонланувчи [REDACTED], жабрланувчи [REDACTED] нинг иштирокида, [REDACTED] га оид 1-1608-[REDACTED]-сонли жиноят иши кўриб чиқилди.

[REDACTED], [REDACTED] йил [REDACTED] да Наманган вилояти, Учқўрғон туманида туғилган, ўзбек, Ўзбекистон фуқароси, маълумоти ўрта-махсус, ишламайди, оилали, 3 нафар фарзанди бор, муқаддам жиноят ишлари бўйича Учқўрғон туман судининг [REDACTED] йил [REDACTED] даги ажримига кўра Ўзбекистон Республикаси ЖК 266-моддаси 1-қисми билан юритилган жиноят иши ЖК 66<sup>1</sup>-моддасига асосан тугатилган, [REDACTED] да яшайди,

Ўзбекистон Республикаси Жиноят кодекси 277-моддасининг 1-қисми билан гумонланган.

Суд, суд мажлисида гумонланувчи ва жабрланувчининг аризалари билан танишиб, жиноят иши ҳужжатларини ўрганиб, иш бўйича тарафлар фикрини эшитиб, қуйидагиларни

## А Н И Қ Л А Д И

Гумонланувчи [REDACTED] 2025 йил 3 октябрь куни бошқарувида бўлган “[REDACTED]” русумли автомашинасини “[REDACTED]” автомобиль йўлида ҳаракатланиб кетаётган вақтида қарама-қарши йўналишдан келаётган “[REDACTED]” автомашина ҳайдовчиси [REDACTED] билан ўзаро тортишиб қолиб, жамоат жойида бақир-чақир қилиб, [REDACTED] ни кўз ва пешона соҳаларига уриб тан жароҳати етказган.

Суд-тиббийет экспертизасининг 2025 йил 15 октябрдаги [REDACTED]-сонли хулосасида, [REDACTED] да пешона соҳаси юзаки лат еган жароҳати, шилинмаси, чап кўз ковоклари жароҳатлари қонталашни аниқланиб, ушбу тан жароҳати соғлиқни бузилишига сабабчи бўлмаган енгил тан жароҳати гуруҳига кириши кўрсатилган.

Дастлабки тергов органи томонидан [REDACTED] в ўзининг юқоридаги ғайриқонуний ҳаракати билан Ўзбекистон Республикаси Жиноят кодекси 277-моддасининг 1-қисмида кўрсатилган жиноятни содир этганликда гумонланиб, жиноят иши судда кўриш учун юборилган.

Жабрланувчи [REDACTED] суд муҳокамасида ариза билан мурожаат қилиб, 2025 йил 3 октябрь куни гумонланувчи [REDACTED] у билан гап тортишиб юз қисмига уриб тан жароҳати етказгани, унинг даволаниши учун кетган сарф-харажатларни тўла қошлаб, кечирим сўрагани, гумонланувчи билан ўзаро ярашиб олишгани, [REDACTED] га нисбатан ҳеч қандай даъвоси йўқлиги, суд томонидан ЖПК 583-моддасидаги ярашув оқибатлари тўлиқ тушунтирилгани,



судланувчи билан ўзаро ярашиб олишгани сабабли унга нисбатан юритилган жиноят ишини ярашув тартибида тугатишни сўради.

Гумонланувчи [REDACTED] суд муҳокамасида ариза билан мурожаат қилиб, 2025 йил 3 октябрь куни [REDACTED] билан ўзаро гап тортишиб уни юз қисмига уриб, тан жароҳати етказгани, ҳозирда жабрланувчи уни кечириб, ўзаро ярашиб олишгани, айбига иқдор ва қилган ишидан чин кўнгилдан пушаймонлиги сабабли жиноят ишини ярашув тартибида тугатишни сўради.

Ўзбекистон Республикаси Жиноят кодексининг 66<sup>1</sup>-моддасида Жиноят кодекси 277-моддасининг 1-қисмида назарда тутилган жиноятни содир этган шахс, агар ўз айбига иқдор бўлиб, қилмишидан чин кўнгилдан пушаймон бўлиб, етказилган зарарни бартараф этиб, жабрланувчи билан ярашса, жиноят ишини ярашув тартибида тугатиб, жиний жавобгарликдан озод этилиши мумкинлиги кўрсатилган.

Суд, гумонланувчи [REDACTED] ўз айбига тўлиқ иқдор бўлиб, қилмишидан чин кўнгилдан пушаймонлиги, жабрланувчига етказилган зарарни тўлиқ қоплаб, ўзаро ярашиб олишгани, ўрталарида мулкӣ низо йўқлигини эътиборга олиб, Ўзбекистон Республикаси Жиноят-процессуал кодекси 84-моддасининг 4-қисмига асосан гумонланувчи [REDACTED] нинг айблилик масаласини ҳал қилмасдан уни жавобгарликдан озод этиб, жиноят ишини ярашув тартибида тугатишни лозим топади.

Ўзбекистон Республикаси Жиноят-процессуал кодекси 84-моддасининг 4-қисми, 585-586-моддаларига амал қилиб, суд

## А Ж Р И М      Қ И Л А Д И

[REDACTED] га нисбатан Ўзбекистон Республикаси Жиноят кодекси 277-моддасининг 1-қисми билан юритилган жиноят иши у жабрланувчи билан ярашганлиги муносабати билан тугатилсин.

Жиноят ишига илова қилинган бир дона “DVD” диск жиноят иши билан бирга сақлансин.

Ажримдан норози томонлар ажрим эълон қилинган кундан бошлаб ўн сутка ичида шу суд орқали Наманган вилоят судига хусусий шикоят ва протест келтиришга ҳақлидирлар.

Раислик қилувчи

(имзо)

[REDACTED]

“Ажрим нусхаси аслига тўғри”

Жиноят ишлари бўйича

Уйчи туман судининг раиси

[REDACTED]

